



Broj: 04/5-50-15-106-16-1/15  
Sarajevo, 31. 1. 2015.

**IZVJEŠTAJ O RADU  
DELEGACIJE PARLAMENTARNE SKUPŠTINE BIH U PARLAMENTARNOJ  
SKUPŠTINI NATO-A ZA 2014. GODINU**

**1. Uvodne napomene**

Na osnovu člana 193. stavka (3) Poslovnika Predstavničkog doma Parlamentarne skupštine Bosne i Hercegovine («Službeni glasnik BiH», br. /14) i člana 180. stava (3) Poslovnika Doma naroda Parlamentarne skupštine Bosne i Hercegovine («Službeni glasnik BiH», br. 14), Delegacija PSBiH u Parlamentarnoj skupštini NATO-a je na 16 . sjednici, održanoj 23. 12. 2014., usvojilo Izvještaj o radu za 2014. godinu.

**2. Pregled aktivnosti Delegacije PSBiH u Parlamentarnoj skupštini NATO-a u 2014. godini**

*- U 2014. godini Delegacija PSBiH u Parlamentarnoj skupštini NATO-a je održala šest sjednica*

*- Učešće Delegacije PSBiH na zasjedanjima, seminarima i sastancima u 2014. godini:*

-Proljetno zasjedanje Parlamentarne skupštine NATO-a u Viljnusu, Litvanija, 30.05.-02.06. 2014.;

-Godišnje zasjedanje Parlamentarne skupštine NATO-a u Den Hagu, Kraljevina Holandija, 21.-24.11. 2014.;

-85. Rose Roth seminar u Sarajevu, Bosna i Hercegovina, 18.-20.03. 2014.

-88. Rose-Roth seminar u Varšavi, Poljska, od 16.10. do 17.10.2014.

U radu proljetnog zasjedanja Parlamentarne skupštine NATO-a, održanom 30.5. - 02. 06. 2014. u Viljnusu , učestvovao je Božo Ljubić, predsjedavajući Delegacije PSBiH u Parlamentarnoj skupštini NATO-a.

Na 60. godišnjem zasjedanju Parlamentarne skupštine NATO-a, održanom 21.-24. 11. 2014. u Den Hagu, učestvovali su: Božo Ljubić, predsjedavajući Delegacije PSBiH u PSNATO, Milorad Živković i Asim Sarajlić, članovi Delegacije.

Delegacija PSBiH u Parlamentarnoj skupštini NATO-a obavezno je učestvovati u aktivnostima PSNATO u svojstvu pridružene članice. U skladu s tim, članovi Delegacije PSBiH u PSNATO pridržavali su se ciljeva i programa postavljenih u aktivnostima (konferencije, seminari, rad u odborima) Parlamentarne skupštine NATO-a.

U sadašnjoj fazi i aktivnostima koje Bosna i Hercegovina provodi s NATO-om, korist od učešća na zasjedanjima Parlamentarne skupštine NATO-a je višestruka. Članovi Delegacije PSBiH u PSNATO prisustvovali su godišnjim zasjedanjima (proljeće, jesen), učestvovali u radu odbora, davali prijedloge i sugestije na ponuđene dokumente (deklaracije i rezolucije) te davali svoje i mišljenje Delegacije o određenim pitanjima o kojima se razgovara na konferencijama i seminarima. Članovi Delegacije bili su u prilici za vrijeme zasjedanja susresti se s predstavnicima drugih delegacija stalnih i pridruženih članica, razmijeniti s njima mišljenja o određenoj problematici te lobirati za ostvarivanje ciljeva za koje se Bosna i Hercegovina opredijelila svojom službenom politikom.

U prilogu su date informacije o učešću Delegacije PSBiH na seminarima i zasjedanjima Parlamentarne skupštine NATO-a tokom 2014. godine.

PREDSJEDAVALJUĆI DELEGACIJE  
Dr. Božo Ljubić

Prilog:

- Informacija s proljetnog zasjedanja PSNATO u Viljnusu, Litvanija, 30.05.-02.06. 2014.
- Informacija s 59. godišnjeg zasjedanja PSNATO, održanog u Den Hagu, Kraljevina Holandija, 21.-24.11. 2014.;
- Informacija s 85. Rose Roth seminar u Sarajevu, Bosna i Hercegovina, 18.-20.03. 2014.
- Informacija s 88. *Rose-Roth* seminara održanog u Varšavi, Poljska, 16.-17. 10. 2014.,